



Број:  
Sarajevo

PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM

n/r g. Denis Zvizdić, predsjedavajući Predstavničkog doma

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 17-05-2023			
Organizaciona jedinica	Klasifikaciona oznaka	Radni broj	Broj priloga
01-	50-1-	MM5/23	

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik Bosne i Hercegovine" 79/14, 81/15, 97/15, 78/19 i 26/20 i 53/22), dostavljam sljedeću

### ПОСЛАНИЧКУ ИНИЦИЈАТИВУ

#### USPOSTAVA EKONOMSKO – SOCIJALNOG DIJALOGA NA NIVOU BIH PUTEM DONOŠENJA ZAKONA O EKONOMSKO SOCIJALNOM VIJEĆU BIH

Ovim putem iniciram uspostavu ekonomsko-socijalnog dijaloga na nivou Bosne i Hercegovine putem donošenja Zakona o ekonomsko socijalnom vijeću BiH za čiju izradu se zadužuje vijeća ministara BiH u saradnji sa Ministarstvom civilnih poslova, sa obavezom da u roku od 60 dana od dana podnošenja ove inicijative, iznese svoj stav odnosno plan u smislu rješavanja ove problematike, te predloži konačno rješenje na uspostavi ekonomsko-socijalnog dijaloga tj. podnese Zakon o ekonomsko-socijalnom vijeću u parlamentarnu proceduru.

#### OBRAZLOŽENJE:

Prema međunarodnim konvencijama i praksi, ekonomsko-socijalni dijalog, putem ekonomsko socijalnog vijeća, se uspostavlja kako bi tri glavna socijalna partnera (vlasti/sindikati/poslodavci) pratili, razmatrali i ocjenjivali utjecaj ekonomske i socijalne politike i mjera ekonomske i socijalne politike na razvoj i socijalnu stabilnost, uspostavili vođenje zajedničke djelatnosti socijalnih partnera u oblasti ekonomske, socijalne i

razvojne politike, afirmacije i zaštite ekonomskih i socijalnih prava kao i razvijanja kolektivnog pregovaranja i zaključivanja kolektivnih ugovora.

Pored spomenutih, teme koje se trebaju razmatrati na takvim tijelima su porezni sistem, zapošljavanje i socijalna politika, privatizacija, zakonodavstvo, provođenje propisa i ostvarivanje zaštite prava, javne djelatnosti, entitetski i međunarodni odnosi, podsticaj izvoza i uvoza, stranih ulaganja, standardizacije, međunarodnog transporta i dr.

U rad ekonomsko-socijalnog vijeća redovno se uključuju predstavnici vlasti, sindikata i reprezentativnih udruženja poslodavaca za teritorij za koji se uspostavljaju . U našem slučaju, ovo je pitanje jednostavno riješiti, jer imamo sindikat na nivou BiH, a sa druge strane imamo reprezentativna udruženja poslodavaca u Federaciji BiH, Republici Srpskoj i Brčko Distriktu BiH, U radu ESV mogu učestvovati i nezavisni stručnjaci iz različitih oblasti kao stalni savjetnici, te predstavnici sindikata i poslodavaca koji nisu zastupljeni u ESV-u. U cilju efikasnijeg i racionalnijeg obavljanja poslova, mogu se osnivati i komisije ili druga stručna tijela za pojedina pitanja iz područja svog rada.

Na pojedinim nivoima vlasti ekonomsko-socijalna vijeća razmatraju i podstiču zaključivanje kolektivnih ugovora i predlažu vladama, poslodavcima i sindikatima vođenje usklađene politike cijena i plata. Ova i druga pitanja su prema međunarodnim konvencijama redovna aktivnost ekonomsko-socijalnih vijeća odnosno tijela ili foruma koja se uspostavljaju kao alternativa ekonomsko-socijalnom vijeću .

Na nivou Bosne i Hercegovine, na žalost nema ni formalnog, ali što je još i gore, ni neformalnog dijaloga socijalnih partnera, što u konačnici rezultira nejasnim politikama i nedostatkom ključnih strategija, propisa i politika iz nadležnosti Bosne i Hercegovine.

Na različitim nivoima vlasti u BiH postoje određeni pokušaji da se ova pitanja urede i riješe. Negdje u BiH ta pitanja su riješena zakonom, negdje sporazumom o uspostavi ekonomsko-socijalnog vijeća, negdje odlukama i sl, ali do danas, na nivou BiH nema nikakvog rješenja u predmetnom pravcu, što je neodrživo.

Sve zemlje okruženja i šire, imaju uspostavljena ekonomsko-socijalna vijeća !

Iz svega navedenog, smatram da je potpuno jasno i opravdano pokretanje i hitno rješavanje ovog pitanja.

  
Nihad Omarović